

صاحب امتیازی :
شهیندر زاده قلبلی
احمد علمی

اداره و تحریر محلی :
جفال اوغلی جاده سنده دائره مخصوصه در .
مخابرات صاحب امتیاز ایله جریان ایتلیدر .
نسخه سی هر یرده یکرمی پازه در .

۵ ذی الحجه ۳۲۸



وایله جلاله قولا : انجا جلاله قولا قولا

شرائط اشتراك :
سنه لکی ۳۰، آلتی آیلنی
۲۰ غروردر

ممالک اجنبیه ایچون :
سنه لکی ۱۰، آلتی آیلنی ۶ فراقتدر. اعلانات ایچون
اداره مأموری محمدذهنی بکه مراجعت ایدیلیر .

۸ کانون اول افرنجی ۱۹۱۰

۲۵ تشرین ثانی ۱۳۲۶



قلم نامچیز عاجز وقاصر اولدیفندن بوبایدی که معروضاتک شوراده نهایتی ایردیکی معروضدر .

اندرون مایون معلی

قرطبی عبدالعزیز



حکایات

امام غزالی نک بر اثر مهمی

کتاب المضمون به

علی غیر امله

جناب امام مبحث روحی بر از دها تعمیق ایله آدمه منقوخ اولان روحی جناب حقل کندی ذاتیه نسبت ایدیه دک « من روحی » بویوز ماسنک سینی تدقیق ایدیور ؛ ویدیور که : مقصد روح انسانیک جناب حقدن بر جزو اولدوغنی بیان دکلدور ؛ مثلاً : انسانک دیکر بر انسانه مالندن بر جزو اعطالی کی . بوراده کی نسبت اولیه بر نسبت معنویه در که شصو صورته تمیل اولونه بیلیر ، کونشک ضیائی بر دیواره عکس ایته او دیوار بالطبع ضیادار اولور ، ایددی کونش نقطه کلسه ده « بن دیواره خیامدن ویردم » دیسه بوندن کونشک ضیاسندن بر جزو انفکاک ایتدیکی یعنی کونشک تجزی قبول ایتدیکی ادعا اولنه ماز . ایته جناب حقل و « تفحیت فیه من روحی » بویوز ماسیلده ضیائی شمسک دیواره کی منوریتیه اولان نسبتی قیلندن بر بر مناسبت اکلاشلق لازمکلیر ؛ یوقه حلول وانقسام خاطره کله مز .

ایشته متفکرین بشریه بی آتی یدی بیک سنه در بوران کیفیت بورلک ایچنده کی ایکلک ویا خود ایکلک ایچنده کی برلک در . جناب امام حقیقت روح حقدن کی بیاناتک هپسی شو کتایده جمع ایتشدور ، بویله اولقله برابر بو اثر جلیلی دقله او قویانلر اعترافیه مجبوردرلر که روح حقدن پک چوق شی او کرشم اولویورلر ایسه ده کنه مبحثیه ایریشه مدکلرینی تسلیم ایدرلر . جناب امام ، بو خصوصیه معذوردر . اگر بیاناتنده عقیب تشبیهه تنزیهه ، وعقیب تنزیهه تشبیهه مراجعت اتمه یا فکر تشبیهی نک ویا خودده فکر تنزیهی نک غلبه اتمه سی بدیهیدر .

شو حالده ایسه مقصود اولان فکر توحیدی ضایع اولدوقدن ماعدا ؛ حقیقتدن اوزاق قاتمیش اولور . جناب امامک شویانانته کوره روح انسانی ، روح وجود اولان حقدن عبارتدر ، ده نیله من ؛ زیرا ذات باری ازلی وابدی ایکن روح انسانی نطقه نک رحم مادره نزولیه برابر پیدا اولویور . دیمک حادثدر . ایته بر مغایرت . لکن روح انسانی ازلی دکل ایکن ایدی اولقی ، جهات و مکاندن منز بولونقی ویا خصوص عرض و جسم اولماق کی خصوصاتدن ماعدا نسبت

معنویه سیله ده حقل غیری اولمایور . ناصبل که دیواره عکس ایدن ضیا شمسک غیری دکلدور . بوتون شو تشبیهاتدن شو حقیقت چقیقور که ، حادث اولان ضیائی شمس اولمایوب دیوارک حدوقی اوزرینه ضیانتک دیواره عکس اتمی وکانه ضیادن بر جزو ایش کی کورونمسی حادثدر . ضیائی شمس ایله دیواره کی منوریتی تقریق ایدن کیفیت یالکیز بو تعلقک حدوقندن عبارت . شو قدر که ؛ بو تعلق سیله نه ضیائی شمس تجزی اتمیش ونه ده دیواره کی ضیا و منوریت ضیائی شمس دن آری برشی اولمش اولویور . مع مافیه ایکی حد ارسنده کی نسبت جزو کله نسبتیه دیمک اولمایور . چونکه آراده تقریق کینی اولمادیکی کی عینیت باقی قالیور . شو مبحثده دیکر سؤلر ده وجدان اندیشه ناکی تحریش ایدر . جناب حق انسانه بخش و تجلی ایتدیکی روحه « روحی » دیمکله صادقدور ، عجباً انسان کندینه تعلق ایدن روحه « بن روح » دیمک صلاحیتی حائز میدر ؛ کله جک مقاله مزده بوجهتی عریض وعمیق تدقیقه جالیشه جفز . (مابعدی وار)

تراجم احوال

تولستوی

افکار و ماسعیسی

۲ -

« تولستوی » پک چوق افکارنده مرد مکریر دها دوغروسی حیات کریر متصورلره بکزره . متصوفینا اکل وحوصله جه اوسع اولانلاری اخلاقی فقر معنوی اوزره رنه بنا ایشلر ایسه ده ، بر قسیده بونکله قناعت ایتیه رک فقر ظاهر بی شریطه بونشلردر ؛ تعبیر آخرله بر قسیتی ثروت و سامانی دلدن ودیکر قسیتی الدن چیقارمقی دیمکدر . آلا ییش ونعمندن الک سوکرا نفرت و فرار ایتسیله ده ثابت اولدوغنی اوزره تولستوی بو صوک فکره مبال ایدی . تولستوی دیکر بر نقطه ده متصوفینک افکارینه بکزره فکرلره مالکدر ، مثلاً تولستوی نظرینده هر شینگ باخصوص اخلاق و ماسعیسیک اسالاسی « عشق » در . مشارالیه دیرکه : عالم اخلاق انیق سومک ایله موجوددر ، فعالیت اخلاقیه انیق عشق ایله اولور . « تولستوی » ک بوراده عشق کله سیله تلخیص ایتدیکی شی شبه یوق که کندینک احتیاسات عالی و آمال علویه سیدر ؛ لکن بشریتک ماهیتی و تاریخی نظر اعتباره آتیر ایسه ، بو مهم کله اوزرینه هیچ بر وقت اخلاق بنا ایدیه مدیکی وایدیه میه چکی اعتراف اولونور .

« تولستوی » عالمده موجود قناتی اعتراف ایدیور ، و قناتلک محوی ایچین رضا وعدم مقابله ایله معاملیه یی یعنی انجیلده کی : صباغ یناغکه بر ملو قات آتارلر ایسه صول یاناغکی چور . « دستوریه حرکتی توصیه ایدیور . وزوالی خیالپرست ذاتاً منکوب و محذور اولان اکثریت بشریه یی بو مکیانه دستور ایله حیل کار برقم قلیک ایدیا بازیمه واسیری ایدیه چکی تقدیر ایله میور . غریبدر که « تولستوی » ک خریستیانلقدن استعاره ایتدیکی شی . مان شو دستوردن عبارتدر . سائر خصوصاتده تولستوی بو کونکی خریستیانلک

تماماً خلا فکیری اولوب موسویلکه دها زیاده مبال و یقیندر . « تولستوی » کاه (ژان ژاق ، روسو) یه کاه (سن سیمون) ه تقرب ایدر . (تولستوی) ه کوره مدنیت واجتماعیات حاضره ، بر مجموعه تحریفات و سیئاتدر . تحصیل و تدریس فنا بر غاییه ایصال ایدیه جک شکله اجرا اولونیور ، ازدواج چیغریندن چیغمیش و آرتق باعث محنت و بدبختی اوله جق بر شکله کیرمشدور . نهایتندن زیاده اجتماعیات و معیشت عمومی حقدن تولستویک مطالبه لری اکثریتله دوغرودر ؛ مع التأسف بونلره بولدوغنی عاجلر چوق دفعه تطبیق غیر قابل و فقط دلقرب خیالدر .

« تولستوی » بوتون اجتماعیات اخلاقی و تربیه نفس اوزره رنه بنا ایتک ایسته مه سنده ده متصوفین ایله مشابهتی واردر ، لکن سملک تصوف ناصبل که خواص انسانیه مخصوص قالمش ایسه ، اولک تمیانتک دخی هیچ بر وقت تعمق ایتیه چکی و اولوی امللره نفس انسانیه فطره مرکوز و احتیاج نتیجه سنده فعال اولان اوصاف در دینیه مک مقاومت ایدیه چکی تاریخله ثابتدر . مع مافیه تولستویک تصوراتدیکی کی هیئات اجتماعیه تاریخده هیچ کورولامش دکلدور ؛ و اورویاده دکله سیله مطلع و ماوی علویات اولان شرقره انبیا و ترقی نتیجه سی اولارق بویله متعالی و متکامل هیئات اجتماعیه کورولمسی مأمول و ملحوظدر .

صوک

مقاله

اندیشه استقبال

استقبال

استقبالی دوشمنک ایچین ماضی بی خاطر دن چیقار . مامق لازمدر . بناء علیه انسانلر ، دائماً ماضیه عطف نظر ایدیه رک اوندن عبرت آلمالری لازمدر . چونکه انسانلرک کچیرمش اودینی اداوارایکیدن خالی اولیوب یامسعود و یارلاق و یا خود منخوس و ملوث اوله رق کچمشدر . بونک هر ایکسیده انلره استقبالیه دوشوندیرر . ایته بونک ایچین در که اوتوزایکی سنه در استبدادک یخه ظلمتند ازمش اولان بزعمانلیرلک الک زیاده بر برمن ایله قونوشدیغمز ، کوروشدیکمز برشی واریسه اوده عجباً استقبالز ناصل اوله جق ؛ عجباً استقبالده بوملت معظمه عثمانیه مظهر ترقی اوله رق دللره داستن اولان اوازده شوکت واتحادنی جهان مدینیه قارنی بردها کوستره چکی ؛ یوقه استقبالزده (۱۰) تموز ایله برابر دفن ایدیلن ملوث ماضیه کی ذلزل و مختلر ، ینسه کوریلجک می ؟ ! « کلاملرندن عبارتدر هر نه وقت قولاق طو تولبرسه شبهه یوقکه بو کلاملر ایشدیه جکدر ! چونکه اداره سابقه نک مظالمی یچاره ملتک جیکرلری یاقوب دماغلری سوندردیکی ایچین هر برشیدن امیدلری کسمش ایدیلر . شیمیدیه یاسه نبات ایدنلر وار . فقط شورا سیده شایان دقتدر که بو فکرده اصرار ایدنلری تدقیق ایدیه جک اولورسوق بونلرک ایکی سنه دن عبارت اولدیفنی کوریرز :

(۱) صاف و تمیز قلبی و فقط محاکمه سی بسط اولانلر .

(۲) منفعت خسیسه لر نی ملتک ضرر زنده آرایان

حقیقتلر :